

Omwana o Nyasae nere orange omobwekano omuya o tata oye korende nembwa yaye bikaangwa. Yeso agacha koorokia enchera (Yohana 14:6) gochia ase ise kooroki embu yaye. Aya akayakora kera engaki yobogima bwaye. Gochia omoerio bwobotomwa bwaye agateba:

“Nakoimokereirie nakobakire aye Nyasa ase ense, nakorire egasi kwang’ete nkore.” (Yohana 17:4)

Konya okorire egasi atarabambwa omosalaba.

Yeso akagenderera gokora Amaya (Ogokora kwabatomwa 10:38)

Ekeru Yohana omobatisi achagete gotwara chitang’utang’u na yeso, agatoma abaorokigwa babere komoboria amaboria. Yeso akairaneria:

“... tebia Yohana ebinto mwarorire na koigwa, emeuko yarorire, ebirema biatarire, abarwarete ukoma babwenire, emetino yaigure, abakure babokigwe, ase abataka yarandigwe. (Luka 7:22)

Naki Gose Nyasae Bwemuma Enkoro Ore Nendamwamu?

Ekeene emegano nere emenge mono ase emuma enkoro, kogochaka koyesoma teri komworokia Nyasae koba bwobwanchani. Nere buya tosome tokounengia na koira amariko onsi ring’ana ase ring’ana korwa ase omonwa o Nyasae. (Matayo 4:4)

Ekeru otagege gokora kende gionsi egati ya obokorekanu, motang’anie Yeso ase ebirengererio biao.

“Komorigereria Yeso omochaki na omokori bwokwegena gwaito, oyio ase omogoko obegetwe bosio bwaye agachandeka ase omosalaba, akarora obosoku na bono nigo aikaransete okoboko kwa borio kwobogambi bwa Nyasae. (Abaibirania 12:2).

Ekeru togosoma egentu getari kororekana buna Nyasae bwobwanchani, goika twebori ng’a eke togosoma mkoorokia kere omobwekano o’ Nyasae oyio Yeso aorogetie, onye tari bo, ntobwenerete

gotuka mono ring’ana eiro tomanyane obokeene.

Amaene ekero tokomorigereria Yeso nigo toraigwe ring’ana riaye buya nonya nembwa yaito nigo egwonchoreria koba buna ere.

“korende intwe twensi abatokorigereria obonene bw’omonene namaiso atatubiri, nigo tokorora buna ase ekerore obonene obwo. Nigo togoonchorwa koba buna omogwekano oye, na kogenda korwa ase obonene goika ase obonene. Aya nigo agokorwa na omonene oyore Omoika.” (2 Abakorinto 3:18)



Ase ogotema gwaito komanya enchiri, goika torigererie namaiso aime mono igoro ya Yeso komoorokia Tata oye. Eye nero enchera etumegete ase amaorokererio aye.

Ase amaorokererio akobwatia ntoteme korigereria amachiko a Nyasae. Agatoroseria amachiko. Amachiko aya nigo ayarosetie ase obuya bwaito gose ase obuya bwaye? Naki amachiko aya akororekana?

(Obochabi 23.8) obotuki bonde obonge, chibicha, ebitabu biabosa na ayande amange igoro ya embu ya ekeene ya Nyasae bwobwamchani rigereria:

<https://characterofgod.org/resources/>

Chinchera Ibere Chiokomanya Enchiri



1. Nyasae Nobwanchani

Enchiri eng’encho yaye ‘Amang’ana Amaya’ ayio akworokia omoroberio omuya o’ Nyasae gotoboria korwa ase ebibe na korwa ase ense yebibe. Paulo Omotomwa akarua ekurate yenchiri ende yoborimo ekong’aina abanto na kobang’usa are n’enchiri yekeene buna ense ekoyerwa na buna Yeso amenyete na koegeria.

Nkorengereria tore na goitwara obwoba igoro ya enchiri ende yoborimo neyogosiria ase chingaki chiomoerio korende naki erabe gose onye yabeire oo ase emiaka amagana na amagana. Paulo orora iga nabo yarengue chingaki chiaye.

“Nakumirie ekiagera mokomotiga iga bwango ere oyobarangeretie ase obuya bwa kristo, na koonchokera enchili ende eng’ao (Abagalatia 1:6)

Ande ake nenchiri yekeene na eya boronge eramnorwe ase chingaki chiomoerio. Goika tobe abang’aini gochuchuga aria toegenete gose nenchiri yekeene.

Chinchera nchire oo ibere chiokoyemanya na koyeigwa enchiri: enchera nere ya botambe buna oraigwe korwa ase chikanisa chiegekirisito chia bono. Tweborie iga, nabo gose yarengwe koigwek igo korwa omochakano? Enchiri yomoroberio o'Nyasae koboria mwanabanto nigo orwetwe emiaka chimilioni yaetire, okarorekana ande ake engaki yebibilia na gosomigwa na Yeso. Amaene ekio Yeso asometie nenchiri yekeene korende korwa engaki yabatoma goika bono twaigwe aya:

- Koeba ang'e Emiaka chiribu ibere na emegiro kogenderera,
- Engaki yaegesunte ekero ebibilia yabisetwe
- Omobisa nyachieni kogenderera koreta egesunte ase ebirengererio biaito,
- Ogoonchorwa gochia emenwa ao ao na emenwa eyio gotwara amaonchorerio na emegiro yaonchoranire ebirenga ebitangani.

Inee, enchiri buna egenderere gosomigwa bono neyekeene, gose neria yende buna Paulo akoyereoka ere amo naintwe bono.

Obotuki obo nkorigereria bore ribori eri goetera obounenka bwebibilia. Komanya obokeene bwenchiri ya Nyasae (Abarumi 1:1) eganetie tochake nobomanyi bwekeene bwa Nyasae.

Nyasae Ninki?

Naki Nyasae akororekana? Embu yaye nereria?



Embu eyio; naki Nyasae akororekana, naki agokorera abanda na ayande amange, onsi nao are ase enchiri. Bono ngai

torachakere komomanya Nyasae? Amariko ngotoerera are igoro ya Nyasae atotebia iga igoro yaye:

"oyotancheti tamomanyeti Nyasae ekiagera Nyasae nobwanchani." (1 Yohana 4:8)

Nyasae Amaene Nobwanchani?

Ogotwomana nkoreo igoro yeringana eri ng'a Nyasae nobwanchani.

- Endamwamu ya Nyasae nigo ere kera ase: "ase endamwamu yaye enene na obotindi, ne risemi rinene, omonene akabaseria korwa ase ense yabo akabasiarera gochia ase ense eng'ao; nao bare goika rero iga. ..." (Okoiranerera 29:28)



- Okogosereria kwa maiso marore na ebikorwa bia Nyasae "rora bono inche ninche bweka Nyasae, Onde tari otatiga inche bweka. Ninche ngoita, naende nairania obogima, ninche ngoaka naende nagwenia. Onde tari oranyare kwewanerera ekonye korwa ase okoboko kwane." (Okoiranerera 32:39)
- Nyasae ogochika Abaisiraeli goita: "Ase ayio genda mobaite Abaameleki obasirie kegima, osirie nebinto bionsi babwate tobaisa kobatiga babe moyo korende oite bonisi, abasacha na abakungu abana na ebing'werere, ne chiombe, ne chingondi, ne chingamia, ne chitigere." (1 Samweli 15:3)
- Nyasae naganetie amanyinga ataraabera: "...amanyinga ataraiterwa, kwaberwa tigokobao." (Abaiberania 9:22)

Abange nigo bamanyete ng'a Nyasae nigo akogechigwa na abwate endamwamu na nigo akobarigia nekeririranda ekiagera ekio nakio bagosoma ase ebuku. Nyasae nobwanchani naende omanya gokora igo? Kende nkere gose totamanyeti igoro ya Nyasae. Korende amaorokererio nareo amange ase ebuku agotema koerera igoro yobotantanu obo bokororekana.

"... buna koreng'ana igoro ere igoro mono korwa ase ense naboigo ne chinchera chiane chire igoro mono kobua echaiano na ebirengererio bian nabob ire kobua ebiaino." (Isaya 55:8-9)

Ntobwenerete komanya emechando togwetera ekero togoonchora amang'ana, amanga'ana ngochenchia are nebiro naboigo ebirengererio na Korora kwa ebinto ngoonchoreria kore engaki gochia eyende. Kera ekebungo ase ebuku goika kegende nokogania oko na komanywa keboamo nekerenga kiebuku enigma. Mono kogania komanya Nyasae ning'o, goika torigererie omwana oye oyio otometwe koorokia embu ya ise.

Yeso Agacha Ribaga Ria Ise

Yeso agateba nigo arenge koorokia ekio ise are:

" Monto onde tari ororire Nyasae kero kende gionsi, omwana omomoima ore ase egekuba gia Tata nere omworokirie. (Yohana 1:18)

"Filipo akamotenia, omonene tworokie Tata Toisaneke ... Yeso akamotobia ... oyondorire ororire na Tata." (Yohana 14:8-9)

" Inche nakobakire ase ense, emeremo eria kwamg'ete gokora nayekoorire ... erieta ria narirokeirie..." (Yohana 17:4,6)

Koriorokia erieta ria tata (buna yarengwe emegiro) nakogania koorokia embu yaye. Yeso akamoorokia tata oye gochia ase abaisiraeli na ase ring'ana riaye ase ense enigma.

Omobayeno igoro yomochie (ise) oyobwagachete omosabibu (Abaisiraeli) akaorokia buna tata are gotema goikera abanto baye. Nyuma yokoangwa kwababani baye, enchera ya omoerio ya Nyasae goikera Abaisiraeli neria nga:

"Nyuma yayio, agatoma omwana oye asebare, ogoteba inabasike omwana one' (Matayo 21:37)